

PAOT TE KÕMËN KONOX YÕG KUXA MÂM KA'OK XOP PU KAX'ÃMI'

¹ Ûgmün Paot, ha Topa tep-tup, pu Yeyox Kunnix nũgkutnã', yĩk mün xik xape Tĩmõn te nũhũ tappet kax'ãmi', ² kãmẽn xexka Konox yõg tikmũ'ün pu kax'ãmi', Konox yõg kuxa mãm xop pu kax'ãmi'. Yã Kunnix te yũmũ'ã hã' xape xe'e', yĩy yũmũg xape kamah. Pũyã Topa yũmũg Tak 'ãmütik pip, nũy 'ãkuxa mãmã', nũy xa hãmmaxnã'.

Tu Topa pu hãm'ãktux, nũy kuxa mãm ka'ok xop max'ax 'ãktux

³ Ûgmũ'ãte yũmũg Tak Topa max 'ãktux, 'ĩhã nõm pu hãm'ãktux 'ãxop 'ãxape xop pupi', yã Topa te yũmũg xuxyã Yeyox Kunnix hã' Tak. ⁴ 'Ãkuxa mãm ka'ok Yeyox Kunnix kopah, tu Topa yõg tikmũ'ün xohix putup pax, hak mũ'ãte' yũmmũg. ⁵ Hõmã 'ãxop te hãm'ãpak max'ax 'ãpak hãmãxap, hu hãmmax hip, nũy 'ãhi xe'e mõ kuma mõg, hu 'ãkuxa mãm ka'ok, xi' nõy putup pax 'ĩhã' hip, nũy hãpxip punethok 'ĩhã' pexkox yõg hãpxop pop. ⁶ Yã Topa te hãm'ãpak max'ax hã tikmũ'ün xohix ha hãmmaxnãhã', yĩ' hep xop xohix pu hãm'ãktux, yã kama 'ãxop te hãm'ãpak, tu Topa te' xohix ha hãmmaxnã'ax 'ãpak, ha kaxĩy Topa te xa hãmmaxnãhã', 'ĩhã' xupak, ha hõnhã hãmmaxnã kamah. ⁷ Ha yũmũg xape 'Epap te xa hãmyũmmũgãhã', tuk mũg pupi hãpxopmãhã', tu

Kunnix pu hāpxopmā punethok, ⁸ tuk mū'ā Topa Koxuk 'āktux, ha xa ka'ogāhā', nūy kuxa mām xop xohix putup pax, yīy 'Epap tek mū'ā' xuktux.

⁹ Hak mū'āte' xupak, tu Topa tu' xak, pu 'āxop pu hāmyūmmūgā', xayīy hāmyūmmūg xe'e', nūy yā Topa putup, xayīy 'āxop yūmmūg, nūy Topap-tup'ax yūmmūg, hu yāy Koxuk te xa hāmyūmmūgāhā', ¹⁰ xayīy hāpxopmā max, ha Topa te 'āptup, xa hāpxopmā max mō kuma 'āmōg, tu mōktu yā Topa yūmmūg xe'ēgnāg. ¹¹ Topa ka'ok xe'ēgnāg, tu 'āka'ogāp-tup, xayīy nōā'tot, īhā 'ākuxa hittup, ¹² hu yūmūg Tak Topa pu hām'āktux, hu: “Āmax Topah, xatek mūg ka'ogāhā', 'ū pexkox yōg hāpxop pop, yīy 'ōg tikmū'ūn xohix mūtik pop,” kaxīy. Yā Topa te nōm hāpxop xex pexkox kopah, nūy yāy yōg xop pu' popmā'. Yā' popmāp-tup yāy yōg tikmū'ūn pu', nōm te Topa pu' yīpkox pip. ¹³ Hōmā yūmūg kuxa kummuk, yā hāpkoxtap putuk yūmūg kuxa kopah, pāyā yūmūg Tak Topa te yūmūg kuxa maxnāhā', tu yūmūg nūnnāhā yāy kutok hah. Yā yāy kutok mō'yāy xe'ēgnāg, 'ūk-tok yāp-xehnāg tu', puyīy 'ūk-tok Yeyox Kunnix yūmūg xat, nūy 'ūkpēnā max. ¹⁴ Tu yūmūg pupi' xok tap, nūy yūmū yōg hāpkummuk mīy'ax xaxogā', pu tu kux.

Tute Kunnix 'āktux

¹⁵ Tikmū'ūn 'ūm te Topa pēnā hok, ha Kunnix te yāy Tak Topa pa putuk xe'ēgnāg, tuk-tok te māxap, hak-nāy tu Topa te hāpxop xohix mīy. ¹⁶ Yāk-tok mūtik Topa te hāpxop xohix mīy, tu tu hāpxop xohix xat'ax, tu hāpxop pēnā'ax mīy, xix hāpxop pēnā hok mīy kamah, xix pexkox yōg xexka xop mīy, xi' yōg

xat'ax xop xohix m̃y. Topa tek-tok m̃tik m̃y, xik-tok pu' m̃y h̃apxop xohix. ¹⁷ Kunnix xip tap, ĩh̃a Topa te pekkox m̃y, xix hah̃am, xix h̃apxop xohix m̃y, tu ñom m̃tik h̃apxop xohix xex max, pu tu pip ka'ok. ¹⁸ Ha Kunnix te' kuxa m̃am ka'ok xop h̃ap-tox. Ỹa tikm̃ũ'ũn putox te ỹay ỹin xat, ñy tu p̃eña max, ha kax̃y Kunnix te' kuxa m̃am xop xat, ñy tu p̃eña max, tu ñom xop h̃inñah̃a', ỹa Topak-tok te m̃axap, tu putpu' hi tap, ñy h̃apxop xohix h̃a tu xexka xe'ẽgñag. ¹⁹ Ỹa Topa tek-tok putup, ỹa Topa xe'ẽgñag kamah. ²⁰ Ỹy Topa te h̃ampe'paxex, tu ỹay kutok ñũ'kutñah̃a' h̃am tu', pu tu xok m̃ipkupnix tu', ñy tu' g̃ay ñam xop xohix ñõã', puỹy Topa h̃a tu xape'. Tu pekkox ỹog g̃ay xop ñõap-tup kamah, puỹy' xohix ỹa Topa h̃a tu xape'.

²¹ H̃om̃a Topa tu 'ãpip h̃aptox hah, tu 'ãỹipkox 'ohñag, tu Topa h̃a 'ãpukñog, 'õg h̃apxopm̃ã'ax kummuk tu', xix h̃ape'ãpaxex kummuk tu 'ãpukñog, ²² pa Topak-tok xok, ha h̃õnh̃a' Tak te xa h̃a' xape, ñy ỹay keppa 'ãñunña', tu 'ãkuxa tupm̃ah̃a', tu 'õg h̃apkummuk m̃y'ax xaxog̃ah̃a', ñy 'ãmax 'ãktux. ²³ Ỹy Topa ỹog putat h̃a 'ãmõg ka'ok, hu' xak hok. 'Ãxop te h̃am'ãpak'ax max 'ãpak, ha xa' hipm̃ah̃a', xaỹy pekkox ỹog h̃apxop pop, hu' xaxok hok. 'Ugm̃un Paot te h̃am'ãpak'ax max 'ãktux pax, tu h̃apxexka ỹog xop xohix pu' xuktux, hu h̃apxopm̃ah̃a'.

Paot te' kuxa m̃am ka'ok xop pupi h̃apxopm̃ah̃a'

²⁴ Tuk x̃y 'ãxop pupi', ñy Kunnix pupik x̃y, huk kuxa hittup, Kunnix xop pupik x̃y tu'. Ỹa Kunnix h̃a ỹm̃ũg ỹin puxet, ha ỹm̃ũg xat, ñy ỹm̃ũg p̃eña max, ỹay ỹin p̃eña max putuk. ²⁵ Topa

tek mûn yâykutnâhâ', nûy mōgkutnâ' Kunnix yîn xop hah, nûy Topa pupi hãm'âktux, nûy xa hãm'âktux xohix 'âktux. ²⁶ Hãmyãxatamuk xohix punethok hã Topa te hãmp'e'paxex, tu' yîy 'ohnâg, pa hõnhâ' kuxa mãm ka'ok xop pu' hãm'yũmmũgãhã', yã hãm'âktux xe'e'. ²⁷ Topa te' hep xohix xop pu hãm'yũmmũgãhã', tu hãm'âktux'ax xe'e' yũmmũgãhã', ha hãm'âktux nũhũ', hu: Kunnix te 'âkuxa kopa' xip, nûy xa' popmã pexkox yōg hãpxop xohix, yîy 'ãxop yãyhãp-tup max xe'ëgnâg, Kunnix putuk. ²⁸ Ha kaxîy 'ũgmũ'ãte hãm'âktux, tu Kunnix 'âktux tikmũ'ûn xohix pu', tu hãm'yũmmũg, nûy hãm'yũmmũgã max, nûy 'ãmōgã Topa hah, xayîy 'âkuxap-xet Kunnix mûtik, nûy Topa hã 'âtix tap, ²⁹ yîy 'ãte hãpxopmã punethok, ha Kunnix tek ka'ogãhã', ha 'ãte hãpxopmãhã' punethok.

2

¹ 'Ãte xa hãm'âktux, xayîy yũmmũg. 'Ûghãm punethok 'ãxop pupi', xix kōmën Namnixet yōg kuxa mãm xop pupi', yã' xohix pupi', nōm tek pēnã 'ohnâg pupik hãm. ² 'Ãte hãpxopmãhã', nûy 'ũgnōy ka'ogã', puyî' kuxap-xet yãy putup, nûy hãm'yũmmũg xexka', nûy hãm'âktux xe'e' yũmmũg. Kunnix yã Topa yōg hãm'âktux xe'e', Topa te tikmũ'ûn pu hãm'yũmmũgãhã'. ³ Yãk-tok xe'e' te Topa yōg hãm'yũmmũg'ax xohix yũmmũgãhã'.

⁴ Yîy 'ãte xa hãm'âktux, hu: Koit'ax pu 'îpkox pip hok, yã' kummuk xop te mō'ãmã pax. 'Ûpa max, ha ta' kuxa mûn kummuk. ⁵ Hãptox tuk xip, pak kuxa te 'âkuxa mûtik yãp-xet, 'âkuxa mãm ka'ok Kunnix kopah, hak kuxa hittup xexka'.

Kunnix te yŭmŭg hĭnnāhā'

⁶ 'Ăxop te: "Yeyox Kunnix yā yŭmŭg xuxyā'," kaxīy. Hu nŭ mŭtik 'ākuxap-xet, nŭy hāpxopmā max. ⁷ Mĭm yĭpxatit te hām hā mō'nāhā', tu hām kopa' xip ka'ok, kaxīy 'āpip ka'ok Kunnix tu', puyīy 'āka'ogā', xayīy 'ākuxa mām ka'ok xexka', hak mŭ'āte xa hāmyŭmmŭgāhā', 'ŭxaxok hok, nŭy Topa pu hām'āktux, nŭy: "Āmax Topah!" kaxīy.

⁸ 'Ōg pa 'āti! Tikmŭ'un te 'ākuxa hā' xupxet putup, mō'āmā'ax hā 'ākuxa hā' xupxet putup, hām'āktux hitop hā nōm xupxet putup. Nōm hām'āktux yā Topa hā' puknōg xop yōg hām'āktux, 'ap Topa yōg'ah, ha pexkox yōg xexka xop te Topa tu' gāy, tu hām'āktux, pāyā Kunnix te' xuktux 'ohnāg. ⁹ Yā Kunnix te Topa xe'ēgnāg putuk, tu tikmŭ'ŭn kutok xe'e', tu yāy putuk xe'ēgnāg, ¹⁰ ha Topa te Kunnix mŭtik 'āhĭnnā xe'e', yā 'ākuxap-xet Kunnix kuxa mŭtik, ha Kunnix xexka xe'ēgnāg, tu pexkox yōg xop xat, xix hām tu' pip xop xat, nōm xop hā' xat'ax, tu' xat.

¹¹ Yoneo xop te' pit xop yāy nāg xax mep 'ŭyĭmap, pāyā Kunnix te 'ākuxa kummuk xit, nŭy ta' yānān tu kuxa max tat. ¹² 'Āp-tox pix 'ĭhā 'ăxop te hāpxopmā kummuk kux, ha Kunnix nō hāpkot, ha Topa te' putpu' hĭnnā xe'e'. Yā 'ākuxa mām ka'ok Topa kopa', ha ka'ognāg xexka', tu Kunnix putpu' hĭnnāhā', tu kamah 'ăxop kuxa hĭnnā xe'ēgnāg. ¹³ Hōmā 'ăxop te hāpxopmā kummuk pax, yā Topa hā 'ăxop puknōg, tu kamah Yoneo yōg tikmŭ'ŭn hā 'āpuknōg, pa Topa te 'ākuxa hĭnnāhā', Kunnix hĭnnā putuk 'āhĭnnāhā', tu hāpkummuk mĭy'ax xohix xax-ogāhā', pu tu kux. ¹⁴ Yā Kunnix te yŭmŭg pupi'

xok, tu yŭmŭg yānān tu' xok mīpkupnix tu', 'ūyīy Topa hāk xape', pŭyīy yŭmŭg kummuk mīy'ax hā' pago. Yā yŭmŭg kuxa kummuk tupmāhā', puyīy yŭmŭg kuxa tu max Topa pu'. ¹⁵ Ha hāpkummuk yōg xexka xop pu' kuxyāhā', tu mīpkupnix tu' xup, nŭy mōktuk-tōgnāg, tu pipkup mākxap'ax hā' hīy, tu' hupmāhā', ha' mōgāhā', pu' xohi' pēnā', tu' yŭmmŭg, tu Kunnix te' xat xe'ēgnāg yŭmmŭg, ha hāpxohix te nōm pu' yīpkox pip.

¹⁶ Ūtux hok pu tikmŭ'ŭn 'ōg hāpxopmā'ax kopit hok, nŭy xo'op'ax hā 'āxat hok, xix 'āxit'ax hā 'āxat hok, xix nit xān hā 'āxat hok, xayīy 'āhām hok. Ūtux hok, pu 'āxat hok, xayīy nit xap yīy ta 'āhām hok, xix 'āmuk xexka mīy'ax hā 'āxat hok, xix māyōnhex tup 'īhā 'āxat hok. Yā' tux hok pu 'āxat hok. ¹⁷ Yā' xohix te nŭ pexkox yōg hāpxopmā'ax hā' komut, yā' koxuk putuk, 'ap xe'e'ah. Hōmā Topa te' xat pu Yoneo xop mīy. Topa te tu xo'op'ax xat, xix nōm hāpxop xohix xat, nŭy tikmŭ'ŭn pu Kunnix 'āktux, pa hōnhā Kunnix xip xe'ēgnāg, yīy hāpxopmā'ax komut yāyhā' hitop, ha' kux. ¹⁸ Tikmŭ'ŭn te koit'ax hā 'īpkox hok, nōm xop te yāy 'āktux xexka hā 'īpkox hok. Tu hāpxopmā'ax xe'ēgnāg pēnā'ax 'āktux, tu mō'āmā', 'īhā' xat, xa pexkox yōg nŭ'pok xop pu nŭktettex, nŭy nōm 'ūxexka 'āktux, ha hitop hā yāy kutōgnāg 'āktux, 'īhā yāy xexka pe'paxex, tu yāy putup'ax kummuk mīy. ¹⁹ Tu Kunnix nīm, ha' kuxa mām ka'ok xop hāp-tox, puyīy nōm xop xohix yā kuxap-xet, yāy yīn puxet putuk, ha' xohix nāg nōy nā' mōg, tu mōktu xexka', yā Topa tep-tup hah.

Kunnix mŭtik yŭmŭg hi, xix yŭmŭg xakix

20 Kunnix xok, nŭy 'ōg hāpkummuk mŭy'ax kuxyā', xayŭy yāmŭy kummuk yōg xexka xop nŭm. Tep tu xate nōm 'āpak? 21 Ha 'āxat, hu: “Ūxupit hok nŭhŭ',” kaxŭy, tu xe: “Ūmā hok 'ōhōm,” kaxŭy, tu xe: “Ūpa hok nō'ōm,” kaxŭy. Pa nōm pu 'ŭpkox hok. 22 Hāpxop xohix nōg'ax, tu yāyxaxogā'ax, ha tikmŭ'ŭn te' xat hok, pu mŭy hok, pa Topa te' xat 'ohnāg. 23 Yā' xat'ax puknōg te hāmyŭmmŭg putuk, pāyā' hitop, ha' xat pu pexkox yōg nŭ'kutnā'ax pu nŭ'xup, nŭy yāy xax te kutuk, pāyā' koit, yā' hitop, tu tikmŭ'ŭn yōg hāpe'paxex maxnā 'ohnāg, tup-tup'ax kummuk pu hupmā 'ohnāg kamah.

3

1 Kunnix mŭtik 'āhi xe'e'. Hōmā 'āxop te hāpxopmā kummuk kux, hu pexkox yōg hāpxop xax nōmhā, yā Kunnix yŭm 'ōnte', tu Topa yŭpxe'e hā' yŭm. 2 Pexkox yōg hāpxopmā'ax pe'āpaxeh, nŭy hām yōg hāpxopmā'ax xaxogā'. 3 Hōmā 'āxop te hāpkummuk mŭy pax, pa Topa te 'āhŭnnāhā', tu Kunnix hŭnnā putuk, tu 'āpēnā max, yā 'āxop kuxap-xet Kunnix mŭtik, xix Topa mŭtik. 4 Kunnix te 'āhŭnnā xe'e', nŭy 'ākopa tu' xŭp ka'ok, tu putpu' nŭn putup, pu' hep xop xohi' pēnā', ha' nŭn, 'ŭhā 'āxop xexkanāp-tup, ha mōktu yā 'āxexka', Kunnix mŭtik yā 'āxexka putup, pu' xohi' pēnā'.

Yŭmŭg hi xe'ēgnāg

5 Yāy yōg putup'ax kummuk mŭy hok, nŭy hāpkummuk mŭy kux, ha tikmŭ'ŭn te hāpkummuk mŭy, tu' nōy hā' xupxet, xi' xonnix, xi' gāy, xi' nōy yōg hāpxop putup. Tikmŭ'ŭn te hāpxop putup pax xexka', puxix tu Topap-tup hok, ha kaxŭy hāpxop

te topa komut xop putuk, tikmũ'ũn tep-tup xexka hah, tu mŏktu Topa xe'ěgnãg xaxogãhã', ⁶ ha Topa gãy tikmũ'ũn te hãpkummuk mĩy tu', nŏm xop te Topa pu' yĩpkox 'ohnãg, yĩ' kummugãp-tup 'ũyãnãn tu'. ⁷ Hŏmã 'ãxop te yãy putup'ax kummuk mĩy, hu' mĩy pax, Topa pu 'ãyĩpkox 'ohnãg tu'

⁸ Pa' kuxyã nŏmhã, xayĩy mĩy hok 'ũxeheh, yãy putup'ax kummuk mĩy hok, xix 'ãgãy hok, xix 'ãnŏy pu hãpkummugã hok, xatep-tup nŏg tu', xi' kupeh hok, xix 'ãyĩy kummuk hok, nũy 'ãnŏy mãnŏg hok. ⁹ Koit hok 'ãnŏy pu'. Yã Topa te 'ãkuxa kummuk xit, nũy kuxa max tat 'ũyãnãn tu'. ¹⁰ Yĩy hãpkummuk mĩy'ax xohix kux, pu Topa 'ãkuxa tupmã 'ãmniy xohix hã, nũy xa hã yãy putup, xayĩy Topa yũmmũg xe'ěgnãg. ¹¹ Yĩ' kuxa mãm ka'ok xop puxet, yã Kunnix hã' kuxap-xet, xip-tox puxet, 'ap 'ãxop Yŏneo xop yŏg'ah, xi' puknŏg xop yŏg'ah, xix tikmũ'ũn yŏg'ah, xix 'ãyuhuk yŏg'ah, xix kamoka xop yŏg'ah, xix kãmãnat xop yŏg 'ah, xi' xat'ax xop yŏg'ah, pãyã 'ãxop yã Kunnix yŏg, ha' xexka xe'ěgnãg, tu yãy yŏg tikmũ'ũn xohix kuxa kopa' xip, ha' xohix te yã yãy putuk Kunnix pu'.

¹² 'Ãxop yã Topa yŏg tikmũ'ũn, ha mŏ'ãyyãy xe'ěgnãg, tu 'ãyĩmŏgatux yãy mũn pu', yĩy 'ãnŏy kuxa ka', tu nŏã'tot, tu nŏm pu hãmmãxnãhã', xix yãy kutŏgnãg pe'ãpaxeh, nũy 'ãnŏy pe'ãpaxex max, xix 'ãyĩy pu'uk, nũy 'ãnŏy gãyã hok, ¹³ nũy 'ũyŏg hãpkummuk mĩy'ax xaxogã', 'ĩhã 'ãnŏy te xa hãpkummugã'. Yã kaxĩy yũmũg xuxyã te 'ãxop yŏg hãpkummuk mĩy'ax xaxogãhã', pu tu kux. ¹⁴ Ha ta mŏy 'ãnŏy putup pax xexka', nũy nŏm hã 'ãkuxap-xet, xix 'ãp-tox puxet. ¹⁵ Pũyã Kun-

nix 'ākuxa māmā', nūy 'ānōy mūtik tu ti max, nūy yāytuk-mīy hok. Yā Topa te 'āxānāhā', nūy 'ākuxa māmā', nūy nōm hā 'āp-xet, 'āyīn puxet putuk. 'Ūxaxok hok, nūy Topa max 'āktux, hu: "Āmax Topa, tu yūmū'ā hāpxop xohix popmāhā', yā' puxi," kaxīy. ¹⁶ Pūyā Kunnix yōg hām'āktux xe'e 'ākuxa kopa' xip, tu xa hāmyūmmūgāhā', xa' yūmmūg, nūy 'ānōy pu' yūmmūgā', tuk-tex, nūy Topa xexka 'āktux, nūy 'ākuxa yā Topa max 'āktux. ¹⁷ 'Ok pe 'āxop te hāpxopmāhā', pe hām'āktux, hu ta yūmūg xuxyā Yeyox 'āktux, nūy Topa yūmūg Tak pu: 'Āmax Topah. Xate yūmūg xuxyā Yeyox yūmū'ā nū'kutnāhā'. 'Āmax! kaxīy.

Te xīy hā hāpxopmāhā'

¹⁸ 'Āte 'ūn xop xat, pu' yīpxox pu yīpkox pi', yā Kunnix te' xat.

¹⁹ Ha' yīpxox xop xat, pu' xetut putup pax, hu' kuxa ka'.

²⁰ Hak-tok xop xat, pu yāy tak pu yīpkox, xi' tut pu yīpkox. Yā Topa te' xat.

²¹ 'Āk-tok gāyā hok, ka 'āk-tok kuxa tuknōā'.

²² Kāmānat xop, 'āxuxyā' nōm tik te 'āxat pu 'īpkox pi', nūy tu hām max, yā 'āmnīy xohix hā hām max, 'ok pe 'āpēnā', 'ok pe 'āpēnā hok, yīy Topa pu hām max, 'āxop tep-tup pax tu'. ²³ 'Āpu hāpxopmā max, pu Topa pēnā', nūy 'ōg hāpxopmā'ax putup, ha Topa pu hāpxopmā', 'āhittup tu'. ²⁴ 'Ūxaxok hok: Yūmūg xuxyā te pagop-tup hok'ah xa', tu pexkox yōg hāpxop xex yāy yōg tikmū'ūn pu', yā Kunnix te 'āxop hā 'āxat'ax xe'e', ²⁵ tu' yānān tu pago, tu hāpkummuk mīy xop kummugāhā 'ūyānān tu'. Yā

Topa te hãmyok mĩy, nũy xohix pu pago, yã Topa pu 'ũxohix te' nũy putuk.

4

¹ 'Ăxop 'ăxuxyã xop, 'ăpu hãmyok mĩy, nũy 'õg kãmãnat pu pago max, Topa yã 'ăxuxyã xe'e', tu 'ăxat, tu pexkox tu' xip, yĩy 'õg kãmãnat xop pu pago max, nũy nõm pu hãmmaxnã'.

Paot te hãmyũmmũgãhã'

² Topa pu hãm'ăktux pax, tu 'õg pa mõxip, mõ'õn hok, nũy Topa max 'ăktux, xa' popmã hãpxop xohix hah. ³ Ha kamak mũg pupi tu' xax, pu Topa 'ũgka'ogã', 'ũgmũ Topa yõg hãm'ăktux xe'e 'ăktux, nũy Kunnix 'ăktux. Yã kanet kopak xip, 'ãte Kunnix 'ăktux tu'. ⁴ Ha Topa tu' xax, puk ka'ogã', 'ũ Kunnix hã hãmyũmmũgã max, yã Topa tep-tup pax.

⁵ Hãmyũmmũg, nũy 'ũkuxa mãm hok xop pu hãpxopmã max 'ãmnĩy xohix hã, xayĩy hãmyũmmũg'ax hã Kunnix 'ăktux max tikmũ'ũn pu'. ⁶ Hãmyũmmũg, nũy hãm'ăktux max, nũy tu hãm'ăktux hã' nũy yãnãn max.

Tuk-nãy tu 'ãneo

⁷ Yũmũg xape Tikik te Kunnix pu hãpxopmãhã', tuk mũg mũtik hãpxopmãhã', tu xa hãm'ăpak'ax 'ăktux putup, nũy 'ũgmũn 'ăktux. ⁸ 'Ăte 'ăxop hah mõ'kutnãhã', pu 'ãka'ogã', nũy putpu' nũ', nũy xak mũg 'ăktux. ⁹ Tu yũmũg xape 'Õnẽy mũtik mõg, ha 'õgnũ kõmẽn yõg tihik, tu xa hãm'ăpak'ax xohix 'ăktux'ax, tuk mũg 'ăktux'ax.

¹⁰ 'Anixtah 'ũgmũtik kanet kopa' tihi', tu 'ãneo, xix Maname tiktak Mã'ak te 'ã 'ãneo kamah. 'Ăte xa hãm'ăktux tap, tu 'ãha Mã'ak mõg'ax 'ăktux, pu

tu 'ãpet kopa' xip, 'ihã putpu 'ãha' mōg. ¹¹ Yoyoe 'ãxet'ax nõy yã Hãmyok, tu xa 'ãneo kamah. Nũ tik 2 te Yoneo yōg tihik, tuk mũtik hãm, ha Yoneo xop nõy hãm 'ōhnãg 'ũgmũtik, puyĩy Topa yãy yōg tikmũ'ũn xat, ha' yĩpkox pip, ha tik 3 te hãpxopmãhã' punethok, nõy tu yãy hãk tehet.

¹² 'Epap te 'ōgnũ kōmẽn yōg tihik kamah, tu Yeyox Kunnix pu hãpxopmãhã', tu 'a 'ãneo, tu Topa tu' xak pax, 'ãxop pupi' xak, puyĩy 'ãka'ogã', nõy Topa hã 'ãxiptap, nõy Topa pu 'ãxop hãpxopmã'.

¹³ Yã 'Epap hãm punethok, 'ãte' yũmmũg, ha 'ãxop pupi' hãm punethok, xix kōmẽn Namnixet yōg tikmũ'ũn pu' hãm punethok, xix Yenap yōg tikmũ'ũn pu' hãm punethok. ¹⁴ Notot Nok yũmũ'ã hã' xape, tu 'ã' 'ãneo, xix Nep te 'ã' 'ãneo kamah.

¹⁵ 'Ūgmũ'ãte Namnixet yōg xape xop pu 'ãneo, xix Nĩ'ip pu 'ãneo, xi' kuxa mãm ka'ok xop pu 'ãneo, nõm Nĩ'ip pet tu yãy tu'nãhã 'ãneo kamah. ¹⁶ 'Äpu nũ tappet mō'kupix hãmãxap, nõy kunãy tu Namnixet yōg xop ha mō'kutnã', pu mō'kupix kamah. Mō'kupix Namnixet xop yōg tappet 'ũyãnãn tu'.

¹⁷ 'Äpu 'Akip pu hãm'ãktux, hu: "Yũmũg xuxyã te 'ãxat, xa hãpxopmã', yĩy hãpxopmã max, nõy nõ kuxyã Kunnix pu'," kaxĩy.

¹⁸ 'Äte Kax'ãmi yãy yĩm hã, hu: 'Ūgmũn Paot te 'ãxop pu 'ãneo. Kanet Kopak xip, yãk xaxok hok!

Pũyã Topa xa hãmmãxnã'!

Tu ta tu' kux.

Topa Yōg Tappet New Testament in Maxakalí (BR:mbl:Maxakalí)

copyright © 2011 Wycliffe Bible Translators, Inc.

Language: Maxakalí

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Maxakalí

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
a212b59e-62d7-5a38-9773-b0ce1d5b248b